



AKTUELNOSTI

Priznanje za poseban doprinos transparentnosti USAID BiH uručio priznanje Tužilaštvu Brčko distrikta BiH

Tužilaštvo Brčko distrikta BiH dobitnik je ovogodišnjeg priznanja za poseban doprinos transparentnosti pravosuđa u BiH, koje za službenike za odnose s javnošću u pravosudnim institucijama prvi put dodjeljuje Misija USAID-a u BiH, u okviru projekta Pravosuđe protiv korupcije - JACA. Na prigodnoj svečanosti održanoj 15.9.2022. godine u Sarajevu, a nakon rangiranja i ocjene pristiglih prijava od strane posebnog stručnog žirija Projekta, priznanje za poseban doprinos transparentnosti pravosuđa u 2022. godini dodijeljeno je Samiru Beganoviću, službeniku za odnose s javnošću Tužilaštva Brčko distrikta BiH.

Naglasivši da je cilj ove aktivnost ukazati na važnost kvalitetnog informisanja javnosti, što je presudno za vraćanje povjerenja javnosti u sektor pravde, te na nezamjenjivu ulogu koju glasnogovornici imaju u tom procesu, priznanje gospodinu Beganoviću dodijelila je direktorica Misije USAID-a u BiH Courtney Chubb. Istaknuto je da Vlada SAD-a vjeruje da je, bez obzira na izazove koji postoje u sektoru pravde u BiH, otvorena i transparentna komunikacija s javnošću ključna u borbi protiv korupcije i vraćanje povjerenja javnosti u sektor pravde u BiH. Cilj organizatora bio je nagraditi glasnogovornike koji su napravili pozitivan iskorak u oblasti jačanja transparentnosti, kao i stimulirati sve službenike za odnose s javnošću pravosudnih institucija da budu efikasniji u budućem radu. Pored toga, cilj je bio i promovirati važnost kvalitetnog i pravovremenog informisanja javnosti, kao i stvoriti poticaj za proaktivan pristup u komunikaciji s javnošću.

U konkurenciji za nagradu su bili članovi Udruženja glasnogovornika u tužilaštvima BiH, kao i službenici za odnose s javnošću u sudovima, koji su se prijavili za učešće. Priznanja su dodijeljena na osnovu mišljenja stručnog žirija, koji je prilikom izbora ocjenjivao nekoliko različitih aspekata njihovog rada, među kojima su: javni nastup glasnogovornika, kvalitet saopštenja za javnost i objave na web stranici pravosudne institucije. U obzir je takođe uzeto i da li pravosudna institucija ima usvojenu institucionalnu komunikacijsku strategiju, te da li koristi društvene mreže kao jedan od kanala komuniciranja, što je u prošloj godini preporučeno od strane Visokog sudskog i tužilačkog vijeća BiH.

Tužilaštvo Brčko distrikta BiH transparentost i odgovornost prema javnosti postavlja kao strateški cilj, koji je kao i efikasnost pravosuđa, podjednako važan za puno ostvarivanje povjerenih nadležnosti. U tom smislu, Tužilaštvo izražava zahvalnost USAID-u na uključivanju u ovakve inicijative, dodijeljenom priznanju, ali i dugogodišnjoj podršci u brojnim segmentima rada, koja u cijelosti korespondira s institucionalnom vizijom na stalnom jačanju i učvršćivanju vladavine prava.

GLAVNI TUŽILAC

ZEKERIJA MUJKANović